

ՀՀ Գեղարքունիքի մարզպետ Կարեն Սարգսյանի շնորհավորական ուղերձը Ուսանողների և երիտասարդների օրվա կապակցությամբ

16.05.2025

«Սիրելի՛ ուսանողներ, երիտասարդներ,

Սրտանց շնորհավորում եմ ձեզ Ուսանողների և երիտասարդության օրվա
կապակցությամբ:

Ժամանակակից աշխարհում գիտելիքը, կրթությունն ու ստեղծագործ միտքը դարձել
են ամենաթանկ կապիտալը: Ուստի կոչ եմ անում ձեզ լինել ուսումնատենչ, ակտիվ և
նախաձեռնող: Մեր պետության ապագան կախված է ձեր գիտելիքներից,
արժեքներից, հայրենասիրությունից և պատասխանատվության զգացումից:
Ուսանողական տարիները՝ լի ուսումնառությամբ, փորձություններով ու մեծ
երազանքներով, հիմքն են ձեր՝ որպես անձի ու քաղաքացու կայացման: Այդ
տարիներին ձևավորվում է ոչ միայն մասնագիտական ուղին, այլ նաև մարդկային
արժեքները, սկզբունքները և առաքելությունը:

Մենք՝ պետությունն ու հասարակությունը, պարտավոր ենք հնարավոր բոլոր
պայմանները ստեղծել, որպեսզի դուք կարողանաք լիարժեք զարգանալ և
իրականացնել ձեր ներուժը:

Մեկ անգամ ևս շնորհավորում եմ ձեզ այս գեղեցիկ տոնի առթիվ, մաղթում՝
առողջություն, նորանոր ձեռքբերումներ, վճռականություն և անսպառ եռանդ»: